



Broj:04-04-158-5/25  
Datum:14.02.2025.godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03,34/03 i 65/13), člana 4. Zakona o upravljanju privrednim društvima u nadležnosti Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 8/05) Odluke Vlade Bosansko – podrinjskog kantona Goražde o utvrđivanju standarda i kriterija za imenovanje Skupštine JP“18.septembar”d.o.o.broj:03-04-2590/23 od 08.12.2023. godine, i Zaključka Vlade Bosansko – podrinjskog kantona Goražde broj:03-04-1920-2/25 od 06.02.2025.godine, Ministarstvo za privredu Bosansko - podrinjskog kantona Goražde, **objavljuje:**

**JAVNI OGLAS**  
**ZA IZBOR I IMENOVANJE PREDSEDNIKA I JEDNOG ČLANA SKUPŠTINE**  
**JP“18.septembar“ d.o.o.**

Objavljuje se Javni oglas za izbor i imenovanje Predsjednika i jednog člana Skupštine JP“18.septembar“ d.o.o..

**Opis upražnjene pozicije:**

Skupština društva nadležna je za:Donošenje Statuta, izmjene i dopune statuta, donošenje Etičkog kodeksa, povećanju i smanjenju osnovnog kapitala,usvajanju godišnjeg izvještaja Društva, koje uključuje finasijski izvještaj, izvještaj revizora, nadzornog odbora i odbora za reviziju, načinu pokrića gubitaka,raspodjeli dobiti,promjeni oblika i podjeli Preduzeća,spajanju sa drugim društvom i pripajanju drugom društvu,izboru i razrješenju članova Nadzornog odbora glasa o povjerenju članovima Nadzornog odbora po proteku razdoblja od dvije godine od dana imenovanja,osnivanju, reorganizaciji, likvidaciji,imenovanju i razrješenju članova Odbora za reviziju,godišnjem obračunu, raspodjeli dobiti i pokriću gubitaka kupovini, prodaji, razmjeni ili davanju u lizing, uzimanju ili davanju kredita i drugim transakcijama, direktno ili posredstvom supsidijarnih društava, u toku poslovne godine u obimu većem od trećine knjigovodstvene vrijednosti imovine preduzeća po bilansu stanja na kraju predhodne godine, kao i o takvoj transakciji u manjem obimu, za čije odobrenje je ovlašten Nadzorni odbor, ako on takvu predloženu transakciju nije odobrio jednoglasnom odlukom,donošenju poslovnika i pravilnika na prijedlog Nadzornog odbora,donošenju odluke o planu poslovanja,odobrava trogodišnji plan poslovanja, odnosno odobrava revidirani plan poslovanja,naknadama članovima Nadzornog odbora i Odbora za reviziju,o poslovniku o radu Nadzornog odbora i Odbora na reviziju na prijedlog Nadzornog odbora,drugim pitanjima bitnim za poslovanje Preduzeća, u skladu sa Zakonom i Statutom.

**Mandat članova Skupštine JP“18.septembar“ d.o.o..**

Mandat izabranog člana i predsjednika Skupštine JP“18.septembar“ d.o.o. traje do isteka mandata člana Skupštine JP“18.septembar“ d.o.o. čije konačno imenovanje izvršeno Rješenjem Vlade Bosansko-podrinjskog kantona Goražde broj: 03-04-252-1/24 od 08.02.2024.godine („Službene novine Bosansko-podrinjskog kantona Goražde“, broj:03/2024) uz mogućnost ponovnog imenovanja. Vlada Bosansko - podrinjskog kantona Goražde imenuje Skupštinu JP“18.septembar“ d.o.o. na prijedlog resornog ministarstva.

Predsjednik i članovi Skupštine JP“18.septembar“ d.o.o. za svoj rad primaju naknadu u skladu sa propisima i naknadama za rad u upravljačkim tijelima.

**Kandidat za Predsjednika i član Skupštine JP“18.septembar” d.o.o. mora ispunjavati sljedeće opšte uslove:**

1. da je državljanin Bosne i Hercegovine,
2. da je osoba starija od 18 godina i mlađa od 65 godina na dan imenovanja,
3. da nije otpušten iz službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja konkursa,
4. da se na njega ne odnosi član IX. tačka 1. Ustava Bosne i Hercegovine,
5. da nije osuđivan za krivično djelo ili privredni prestup koji predstavlja smetnju na imenovanje na upražnjenu poziciju, u roku od 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije,
6. da se protiv kandidata ne vodi krivični postupak,
7. da nije lice kojem je presudom suda zabranjeno obavljanje aktivnosti na poziciju za koju se kandiduje,
8. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu člana 5. Zakona o sukobu interesa u institucijama vlasti Bosne i Hercegovine,
9. da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima F BiH,
10. da nije član Nadzornog odbora ili Uprave Društva, niti da ima direktni ili indirektni finansijski interes u Društvu.

**Pored navedenih opštih uslova, kandidati koji se imenuju za poziciju Predsjednika i člana Skupštine JP“18.septembar” d.o.o. moraju ispunjavati i posebne uslove:**

1. da ima završenu visoku stručnu spremu VSS-VII stepen odnosno I, II ili III ciklus Bolonjskog sistema studiranja sa najmanje 180 ECTS bodova i to: biotehničkih, prirodnih, tehničkih ili društvenih nauka,
2. da ima najmanje 1 (jednu) godinu radnog iskustva u struci računajući od dana diplomiranja,
3. da nije član više od jednog upravljačkog tijela,
4. da posjeduje znanje vezano za nadležnost i rad Skupštine i način rada organa upravljanja privrednim društvima.

**Pored predhodno navedenih uslova kandidati koji se imenuje za poziciju Predsjednika i člana Skupštine neće se imenovati kandidati koji su:**

1. stariji od 65 godina na dan imenovanja,
2. osuđivani za krivična djela i za privredne prestupe ne spojive sa dužnošću u upravljačkim tijelima, 5 (pet) godina od dana pravosnažnosti presude, uključujući vrijeme zatvorske kazne, prije dana objavljivanja upražnjene pozicije,
3. sudskom presudom ili drugom mjerom isključeni ili im je zabranjeno obavljanje aktivnosti u nadležnosti upravljačkih tijela u privrednim društvima,
4. u sukobu interesa u smislu Zakona o sukobu interesa u institucijama vlasti u Federacije Bosne i Hercegovine,
5. u finansijskom ili privatnom interesu u društvu u koje se imenuje,
6. na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH.

**Uz prijavu za izbor i imenovanje kandidati su dužni priložiti sljedeću dokumentaciju (originalni dokumenti ili ovjerene kopije dokumenata):**

- kraću biografiju, kontakt telefon i adresu,
- uvjerenje o državljanstvu (ne starije od 3 mjeseca)
- izvod iz matične knjige rođenih (ne starije od 3 mjeseca)
- dokaz o stručnoj spremi,
- dokaz o radnom iskustvu,
- uvjerenje nadležnog suda da se protiv kandidata ne vodi krivični postupak (ne starije od 3 mjeseca)
- ovjerenu izjavu da nije otpušten iz državne službe kao rezultat disciplinske mjere na bilo kojem nivou BiH posljednje tri godine,
- ovjerenu izjavu da se na njega ne odnosi član IX tačka 1. Ustava BiH,
- ovjerenu izjavu da nije osuđivan za krivično djelo ili privredni prestup koji predstavlja smetnju imenovanja na upražnjenu poziciju, u roku od 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije
- ovjerenu izjavu da nije lice kojem je presudom suda zabranjeno obavljanje dužnosti za poziciju za koju se kandiduje
- ovjerenu izjavu da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu člana 5. Zakona o sukobu interesa u institucijama vlasti Bosne i Hercegovine
- ovjerenu izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH.
- ovjerenu izjavu da nije član Nadzornog odbora ili Uprave društva, niti da ima direktni ili indirektni finansijski interes u društvu

**U prijavi je potrebno naznačiti za koju se poziciju kandidat prijavljuje, da li za poziciju predsjednika ili člana Skupštine JP "18.septembar" d.o.o.**

Prilikom izbora kandidata za konačno imenovanje za Predsjednika i člana Skupštine J.P. „18.septembar“ d.o.o. prednost imaju slijedeći kandidati:

- kandidati sa posebnim preporukama, pohvalama i visokim moralnim i ljudskim osobinama,
- kandidati koji imaju sposobnost prepoznavanja, zastupanja i zaštite interesa privrednog društva.

Kandidati koji budu ušli u uži izbor, biće pozvani na intervju. Podnosioci prijava koji ne budu pozvani na intervju će dobiti pisane odbijenice.

Javni oglas će biti objavljen u „Službenim novinama Federacije Bosne i Hercegovine“, na web stranici Vlade Bosansko - podrinjskog kantona Goražde i dnevnom listu „Dnevni avaz“ i ostaje otvoren 15 dana od dana posljednjeg javnog objavljivanja .

Prijave sa traženom dokumentacijom treba dostaviti lično ili preporučeno putem pošte na adresu Ministarstvo za privredu Bosansko - podrinjskog kantona Goražde, ul. Maršala Tita br.5, Goražde sa naznakom **“PRIJAVA NA JAVNI OGLAS ZA IZBOR I IMENOVANJE PREDSEDNIKA I JEDNOG ČLANA SKUPŠTINE JP “18.septembar” d.o.o. – NE OTVARAJ”**.

Nepotpune i neblagovremene prijave neće se uzeti u razmatranje.

